


Hashihthü shing laihing
Hunyeih



Noah hatü
Bünghiyang
Longpü



Nyangbü: Edward Hughes
Lajei lingbü: Byron Unger; Lazarus; Alastair P.
Sheteiphenei lingbü: M. Maillot; Tammy S.
Lepbü: Master Clement Bujem
Ngaibü: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2021 Bible for Children, Inc.
Nüngi neyuphei keyü hapa lai lingei nevaijü ngümei ngaihen aok.




Noah-ü Kahvang kü khümpü
shennyak nyuteke. Peüi
Kahvang kü jiühit hatü ven
nedan. Nyihük Kahvangi
hanbenüng lemhük eteke.

"Ngei hapa mang kahdoknyü
mahtükhen.


Nüngei
shemmong mon
yanghen" shei

Kahvangi
Noah kü eteke.



Kahvangi Noah kü bünghiyang longpü peikahen
hatü kahdoknyü kemei bhümlanghen shei
shahvüng shuoh. "Amshem hatü yemhimakthü
shing ai longpü hük lingtuh" shei Noah
kü ngeükhüam shuoh. Kahvangi
Noah kü mekei dükhen ha
lem hu. Noah
nang nekongi
dao dük.





Noah-i mehekei
ai lingnya hapa jung
ejashing kü nanglakthüi
longi ne-ienelemei
eshuoh-ei
shiühen.

Noah-i
nedoh-i ai
lingei nyu.
Büpai nanglakthü
kü nedoh-i Kahvang
jung eyei nyu shejao
üpaiyao ha
nebang.






Noah kü hinglempü
longpü nyu. Yeihshi vang
nekeijao büpai Kahvang
kü hinglemei nyu. Lomi
aiyü lemphü hühen mü
temei nyu.




Shaang yemhimakthü pei. Kahvangi yemlem haneiyü
nyet nyet, haneiyü nyi nyi yah-ei pei. Ou longpü
maanpü hatü yemhimak maanpü
hatü shaopüthü ai
yemei pei.



Noah-i yemhimakthü ai kü shihpü
eeyei shennyakthüi Noah kü
longi yaüeilungei eyei shiühen.
Jomi Kahvang khüei mang
thahpü nedoh. Jomi
ai mongei shühen
nephe.






Shompülei yemhimak hatü
ouhiyüh lemphü hüteke.


"Nüng hatü
nüngei shem am
peü ai mongei
shüdaikei" shei
Kahvangi Noah
kü nyük. Noah,
chenyüha, büpalei
yeshangthü jom jem
hatü jomphongei nyühhathü
ai mongei shü. Haphei kü
Kahvangi sha küptük.





Haphei kü vang keiteke.
Nyih pinyi hatü ya pinyi vang
longi keipai kahdoknyü
kemei lümlang.




The background of the image is a detailed black and white line drawing of a rugged, rocky terrain. A winding path or stream bed cuts through the center of the scene, with various rock formations, boulders, and shrubs along its sides.

Vang
keipü
yungi jila
hatü chingthü
kemei kü vang keiteke.

Mechem vang dohpa, kahshangthüao
yung mongei nyu. Ngüan ngülei
yemhimak kemei didaikem.

Yung longei aongyaki ai
yung shangei bhongei aong.
Mongeiyü mahngshi, shing
khangshi hatü nyemshi
shiühen aokpeih. Shejao
hana ai homei Noah am
bünghiyang kübü yangteke.





Lenyang nga mulem pheikü Kahvangi
hana vanhen vanglük shom. Yungmü
hana ai Ararat Kahshang deppülei
maangteke. Yung jeppü danei Noah
nyih pinyi thahshi
danei nyu.



Noah-i ashaba hük hatü adhuba hük ai shaden apei
shom. Bakhen shing
neshiüpü




nangkü adhuba Noah
touei nyokei lei. Hapta
hük pheikü Noah-i shao
chem shom. Adhuba-i
julei olive phenlak japtü
nyokei lei. Hapa hatphei kü
kahdokü vandaiteke shei
Noah-i nying, mehenangkü
adhuba shao
nyokei nelei.




Kahvangi Noah kü ai leipü shühhen
hepak ngoiteke shei eteke. Noah hatü
shem ami ai leipü yemhimak kemei
ngaiteke.





Noah-i meshük
mongongshi deihshi
shiühen! Hapa
mulempü kübü
Kahvangi büpa hatü
jomshem yangpü
nangkü Noah-i
moidü hük lingtü
Kahvang kü khüm.






Kahvangi
Noah kü thamapü
lahpü hük shuoh.
Hangku mang nangkü
büpai shao bünghiyang
neshompih shei eteke.

Kahvangi
lahpü deihhen
lappü hük shuoh.
Nyiamnyünyiamkangü
Kahvangi lahpü
nepumpü hük nyüke.





Noah hatü
jomshemi
bünghiyang pheikü ja pangei
nyuei daihen nyingteke.
Hepak daiyaki büpalei hüpeü
hapeüthüi kahdoknyü
mateke. Kahdoknyü
hangku

kemei
Noah hatü büpalei
hühihathü kübü vamteke.



Noah hatü Bünghiyang Longyü


Kahvangei Shah Laihing leipü büshah

Dangnyeih

Kahbhao 6-10

"Nüngei Shah shühahpai vangngai shuohnyeih."
Menvih Kesho 119:130






Dohpü



3



60



Hapa Laihing büshah homei jenei thamapü Kahvang üpai jen ling hatü nüngi büpa nyinhen nanyüpa hapa jung halei enyüke.

Jeni dao nemeipü dükteke shei Kahvangi nyingei nyüke hatü büpai hapa kü mang shei nyüknyüke. Mang shing hanghiyü dipü nyüke, shejao Kahvangi nüng kü longi bampü nangkü büpai laophülei Ha Jisu nüngei mang shing hanghiyei shophang kü dihen shomteke. Jisu ditü yangei leiyei vangsho lei aongdai! Nüngi Jisu kü hinglemei nüngi büpa kü mang lahjema büpai mang tükphahen. Büpa peiyei nüngei mongei nyuhen hatü nüng düngei büpa mü nyuhens.

Nüngi hapayü shahhing hih shei hinglemjema, hayü Kahvang kü eyeishuoh: Bampü Jisu, nüngü Kahvang shei ngei hinglemnyeih, hatü ngelei mang shing dihen nüng shennyak leiteke hatü nüng shaang yemmü nyüke. Ngelei yangnyu kü nüng peikei hatü ngelei mang tükshih, shejüang ngei shaang yangnyu ja leihen, hatü nyih hük ngei den kü nüng mü nyuhens shingvaishi ngei daihen.

Nüngei ha leshi nüngei ven bangei nüng shing nyuhens sheühshihma. Amen.

Laihing ietuh hatü nyihjeih Kahvang mü shah eteituh. Johan 3:16

